



UPM Menang Anugerah Platinum, 2 Emas BIS



LONDON - Dua penyelidik Universiti Putra Malaysia (UPM) berjaya meraih satu Anugerah Khas Platinum dan dua pingat emas di pameran antarabangsa British Invention Show (BIS 2010) di Alexandra Palace baru-baru ini.

Anugerah Khas Platinum dan satu pingat emas dimenangi oleh Prof. Madya Dr. Mohd Yunus Abd Shukor dari Fakulti Bioteknologi dan Sains Biomolekul dengan produknya Multiple Xenoassay Kit for detecting Environmental Toxicants.

Produk yang turut memenangi pingat emas itu merupakan kit untuk menentukan kandungan logam berat tercemar dan toksid dalam air dengan mencampurkan sampel yang diuji dengan enzim di dalam kit.



Pertukaran warna kepada biru menunjukkan kehadiran logam berat manakala pertukaran kepada warna perang menunjukkan ketiadaan logam berat.

Teknik tersebut sensitif kepada beberapa jenis logam berat seperti merkuri, argenterum, plumbum, zink, kadmium dan kuprum.

Sementara itu, pingat emas kedua dimenangi oleh Bakri Bakar dari Fakulti Rekabentuk dan Senibina dengan projek SRAS-Self Retaining Anal Speculum iaitu produk yang berfungsi sebagai alat bantuan pakar bedah ketika memeriksa kawasan hujung dubur manusia.



Alat pakai buang plastik bio-komposit ini dimasukkan dari luar anus sehingga rektum pesakit untuk memudahkan pemeriksaan dan pembedahan pesakit serta mengurangkan infeksi pencemaran.

Sebanyak 92 produk yang telah dipertandingkan dari seluruh dunia termasuk empat institusi pengajian tinggi awam dan satu institut penyelidikan dari Malaysia.

Berita ini disunting oleh Seksyen Media, Bahagian Komunikasi Korporat UPM.

Hak Cipta Terpelihara 2007
Universiti Putra Malaysia